

星级改造

Power Girl

Color星级时尚助力官梁琮、饶子怀,今期继续玩转时尚,这次他们为大家带来专属“力量型”女孩既穿搭技巧。高大壮实既女仔,照样可以轻松变身成又chok又霸气自信女孩。“星”级之旅加载中,准备好就出发!

郭玮/文 Color团队/图

> 有power更自信 <

今期参加改造嘉宾Janice,生得比较高,骨架比较粗,做dancer既俾人一种好有“力量”嘅感觉。Janice日常多数选择深色系嘅简单装束,希望可以有效遮肉。梁琮老师同饶子怀老师知道佢嘅小心思,今次为佢挑选一套黑色系连体西装。西装嘅cutting简单,但布料比较硬挺有型,可以更好地修饰身材线条。Janice比较在意腿粗同pat pat丰满问题,呢啲老师眼中反而佢可以自信show出嘅特点。用连体西装嘅金属扣腰带提升视线拉长腿部线条,令到佢个造型更符合佢power girl定位,亦帮到佢更自信展现自己嘅特色。

星级时尚助力官 梁琮、饶子怀

在配饰的搭配上,两位“星”级时尚助力官选择用同色系帽子、鞋子,係希望用材质、款式上嘅小细节,帮Janice打造出“星味”效果。Janice原本嘅齐肩短发清爽利落,但头顶较塌,戴上牛仔质地嘅报童帽,够挺身易搭又唔会太过成熟,唔好可以弥补佢发型嘅不足,仲令面型都修长啱;型格中靴可以修饰小腿线条,令Janice由普通OL秒变街头潮人,个造型整体望落,时尚度提升啱,但日常穿着都唔显夸张。

改造前

> 点睛妆容好加分 <

除咗修饰身材外,妆容设计亦係今次“星”级改造嘅重要部分。两位“星”级时尚助力官最欣赏Janice五官够大气,hold得住比较浓嘅妆容,只是素颜阵缺乏气色,所以会令人显得有咩精神。对于五官大气嘅女生,重点是突出五官轮廓。Janice嘅眉毛较短,只要用接近眉毛原色系嘅眉笔,加长眉尾即可,唔需要特别加粗或者上深色嘅。百搭嘅美瞳,可以帮佢眼神加分,有层次感嘅眼妆可以增加佢眼睛整体深速度,再加上简单嘅眼线,同干净利落嘅睫毛,成个妆容就已经perfect啱。

改造后

> “星”导师有话讲 <

饶子怀老师觉得,女孩子唔应该俾大众审美禁锢自己嘅自信。身材唔够索or样唔够靓,只要用适合自己嘅打扮去突出自己嘅特色,一样可以成就自信嘅美丽。力量型女孩Janice嘅造型,同原来休闲嘅打扮判若两人,但日常穿着又唔会太过夸张,令佢举手投足间都自信啱好多。两位“星”级导师又一次帮人升呢成功啦!

夜蒲新型态: 黯夜look要咁着!

广州夜经济咁旺,夜晚梗係要多啲出去吃喝玩乐啦!夜蒲可以有咩look?开播以嚟话题度一直高企嘅港剧《黯夜守护者》,虽然主要讲述一连串案件的侦破,但唔妨得我哋暗中观察到夜蒲型look新花臣。男女主负责破案,我哋一起穿起“黯夜look”,夜蒲要有新“型”态!

郭玮/文 《黯夜守护者》海报、剧照/图

校服look: 隐藏年龄有计仔

学生哥主场校园,所以校服look绝对会係佢哋嘅最经典形象啦。学生装一定要冇衬衫打底,V领冷外套衬面,男仔就搭西裤,女仔穿翻百褶裙就青春。双肩包、斜挎袋都好啱校园风,最紧要係发型清爽整齐,老师见到就会俾个good你。去到夜晚,校服look打扮一样好减龄,如果想再relax一啲,换上全黑装扮就唔会出错,放低平时扎起嘅马尾,摆个chok样行街,冇人睇得出你年纪!

“古惑”look: “痞子”样够chok

剧中嘅“高辉”曾经为啱查案化身卧底,结识咗唔少“江湖中人”,呢啲人其实后面嘅案件中,都帮佢佢好多。“重新做人”变翻警察嘅高辉,时刻记住自己警恶惩奸职责同时,亦都冇忘记讲义气嘅江湖兄弟,所以一身“痞子”气估计都好难撇甩,不修边幅留须,纯色卫衣搭外套就係佢嘅饮衫。呢一身经典“古惑look”,睇起睇随便但又唔失气场,个样唔够chok就唔容易俾人吓。

御姐look: 有楼有气场

入秋了,早晚都会比较凉,女仔夜蒲着翻件袄,保暖又可以增加自己的嘅气场。想显气质,可以好似陈敏之咁穿长款过膝毛呢外套,深色较稳重,彩色显年轻,豹纹图案增加气场。如果工作好似madam咁,成日要冲锋陷阵,短款工装袄就好啱,干练有品位,充满行动力。姐姐唔落好强悍,但其实内心都希望被人保护嘅柔软一面,一件大襟仲係女仔嘅“保护盾”。

野性look: 颜色够张扬

想好似KOL咁令人瞩目,服饰一定要够张扬!闪片内搭,加高饱和度连衣裙,亮眼卫衣等等造型最抢眼,再增加一啲镂空、露肩等等小细节,成个朋友圈最抢眼就一定係你。剧中个性张扬嘅“卢小宝”就同大家做个示范,但性格比较野,中意周围搞火头,齐刘海造型帮佢减龄,穿起短裙、紧身衫,好身材依然挡不住,自然会成场中焦点。

“阿头”look: 铁汉有柔情

剧中嘅“威哥”经常将“我做嘅係正行生意”挂嘴边,从良后嘅“大哥”都有自己善良嘅一面,其中因更加係佢嘅软肋。本性善良嘅大哥,都会有真情流露嘅时候。做“阿头”就一定要震得住个场,油头、眼镜、西装外套俾搭配,睇起身就係斯文文嘅生意人,将深不可测嘅心思都隐藏起来。